



Broj:09-20-11-2-2962/23

Datum: 05.03.2024. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ("Službeni glasnik BiH" broj: 39/14 i 59/22) i preporuke Komisije za provođenje otvorenih postupaka nabavke u 2024. godinu, direktor Federalne uprave policije po ovlaštenju Vlade FBiH d o n o s i :

ODLUKU

o poništenju postupka

Javne nabavke servisiranja i održavanja laboratorijskih instrumenata za LOT – 1
(Preventivni godišnji servis laminarnih komora)

1. Poništava se Odluka o dodjeli Ugovora ponuđaču ANALITIKA d.o.o. Sarajevo za Javnu nabavku preventivni godišnji servis laminarnih komora za LOT – 1 u skladu sa Rješenjem Ureda za razmatranje žalbi BiH broj: JN2-03-07-1-147-7/24 od 16.02.2024. godine.
2. Poništava se postupak Javne nabavke servisiranja i održavanja laboratorijskih instrumenata za LOT – 1 (Preventivni godišnji servis laminarnih komora).
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj:39/14 i 59/22).
4. Ova Odluka stupa na snagu danom donošenja.
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Komisija za provođenje otvorenih postupaka nabavki za 2024. godinu je vezano za Javnu nabavku Servisiranja i održavanja laboratorijskih instrumenata za LOT 1 – (preventivni godišnji servis laminarnih komora) i Odluku o dodjeli ugovora broj: 09-20-11-2-2962 od 27.12.2023. godine, dana 08.01.2024. godine, zaprimila Žalbu ponuđača MPS Lab d.o.o. Sarajevo broj: 03/24 od 05.01.2024.godine, a koja je u skladu sa članom 100. stav 3. ZJN BiH, budući da je blagovremena, dopuštena i izjavljena od strane ovlaštenog lica, aktom ugovornog organa - Federalne uprave policije broj: 09-20-11-2-2962 od 11.01.2024.godine zajedno sa Izjašnjenjem o žalbi i dokumentacijom vezanom za navedeni postupak nabavke dostavljena Uredu za razmatranje žalbi BiH na odlučivanje.

Ured za razmatranje žalbi BiH u odnosu na navedeno donio je Rješenje broj: JN2-03-07-1-147-7/24 od 16.02.2024. godine, koje je ugovorni organ zaprimio 21.02.2024. godine, a kojim Rješenjem je utvrđeno da su navodi žalitelja djelimično osnovani, zbog čega poništava ožalbenu odluku, i predmet vraća ugovornom organu na ponovni postupak u kojem će postupiti u skladu sa stavovima Ureda za razmatranje žalbi BiH iznesenim u navedenom Rješenju i donijeti novu odluku u skladu sa Zakonom o javnim nabavkama.

Komisija u skladu sa stavovima Rješenja Ureda za razmatranje žalbi BiH predložila poništenje Odluke o dodjeli ugovora u postupku Javne nabavke servisiranja i održavanja laboratorijskih instrumenata za LOT – 1 (Preventivni godišnji servis laminarnih komora) broj: 09-20-11-2-2962 od 27.12.2023. godine, te u odnosu na stavove iz istog rješenja pristupila ponovnom postupku i utvrdila da niti jedan od ponuđača i to: MPS Lab. d.o.o. Sarajevo i Analitika d.o.o. Sarajevo za ugovorni organ nisu dostavili prihvatljive ponude za Javnu nabavku Servisiranja i održavanja laboratorijskih instrumenata za LOT 1 – (preventivni godišnji servis laminarnih komora) i iz razloga što:

1. Ponuđač MPS Lab. d.o.o. Sarajevo u svojoj ponudi nije dostavio niti jedan dokaz kojim bi dokazao da je osposobljen za predmetnu nabavku prema standardu ISO 17025, a kako je to i utvrdio Ured za razmatranje žalbi BiH na stranici 12. i 13. donesenog rješenja;
2. Ponuđač Analitika d.o.o. Sarajevo u svojoj ponudi nije dostavio certifikat ili ovlaštenje za servisiranje aparata proizvođača Telstar, a kako je to i utvrdio Ured za razmatranje žalbi BiH na stranici 13. pod tačkom 2. donesenog rješenja.

Obzirom na naprijed navedeno, Komisija u skladu sa članom 69. stav 2. tačke d) Zakona o javnim nabavkama BiH predložila donošenje Odluke o poništenju postupka Javne nabavke servisiranja i održavanja laboratorijskih instrumenata za LOT 1 – (preventivni godišnji servis laminarnih komora), što je konstatovala u Zapisniku o radu komisije od 05.03.2024. godine.

Razmatrajući prijedlog komisije, direktor Federalne uprave policije donosi odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

